

Na osnovu člana 5. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10, 111/ 12 i 20/17) i člana 23. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 16/18), predstavnici Pregovaračkog tima Vlade Federacije Bosne i Hercegovine s jedne strane i Pregovarački tim Samostalnog sindikata državnih službenika i namještenika u organima državne službe, sudskoj vlasti, javnim ustanovama u Federaciji Bosne i Hercegovine s druge strane (u daljem tekstu: sporazumne strane), postigli su saglasnost oko sporazuma kako slijedi:

SPORAZUM O OSNOVICI ZA OBRAČUN PLAĆA ZA FISKALNU 2019. GODINU ZA DRŽAVNE SLUŽBENIKE I NAMJEŠTENIKE U ORGANIMA DRŽAVNE SLUŽBE I JAVNIM USTANOVAMA NA NIVOU FEDERACIJE BiH

Član 1.

Ovim sporazumom utvrđuje se visina osnovice za obračun plaća za državne službenike i namještenike u organima državne službe i javnim ustanovama na nivou Federacije BiH za fiskalnu 2019. godinu u iznosu od 330,00 KM (tri stotine i trideset konvertibilnih maraka).

Član 2.

Osnovica iz člana 1. ovog Sporazuma primjenjivati će se za obračun plaća od mjeseca u kojem Budžet Vlade FBiH za fiskalnu 2019. godine stupi na snagu, a najranije od 01.01.2019. godine.

Član 3.

Ovaj Sporazum stupa na snagu davanjem saglasnosti Vlade Federacije Bosne i Hercegovine i potpisivanjem od strane ovlaštenih potpisnika, a po jedan primjerak dostavlja se Federalnom ministarstvu finansija, Federalnom ministarstvu za rad i socijalnu politiku, Federalnom ministarstvu pravde i Službenim novinama Federacije Bosne i Hercegovine na objavu.

Član 4.

Ovaj Sporazum će se objaviti u „Službenim novinama Federacije Bosne i Hercegovine“, a važi do 31.12.2019. godine.

Za Vladu Federacije Bosne i Hercegovine
Mato Jozić, federalni ministar pravde

Broj: 03-34-925-1/2015

Datum: 18.12.2018.g.

Sarajevo

Za Samostalni sindikat državnih službenika i
namještenika u organima javne uprave,
sudskoj vlasti i javnim ustanovama FBiH
Mr. Samir Kurtović, predsjednik

Broj: 01-IV-799/18

Datum: 18.12.2018. godina

Sarajevo